



永遠的疼！陳溝溪

若問講陳溝溪佇佗位，相信大部份的人攏毋知，就算講提上新的地圖來反(píng)，嘛揣無。陳溝溪對外埠頭（外地）的人來講，是一個真生份的名。毋過，若佇彰化縣的東福興恰(kah)秀水鄉南引(píng)，這籬圍仔成十个庄頭的人來講，陳溝溪就親像是個的爸毋全款。

咱若駛車行鹿港迴(thàng)南投，這條台七十六號東西向快速道路，來到埔鹽段，佇(ti)南北兩引道路的中央，有一條成百米的大溝，在地人就共伊叫做「陳溝溪」。

論真講起來陳溝溪毋是真長，伊只不過是引八堡一圳的水流落來的一條溝。水頭過埔鹽埤就是員大排，水尾行到鹿港就是福鹿溪，總長無夠一鋪(phò)路（十里）。溝底離poh岸袂超過三米，早前農業社會在地人無自來水，所有的生活用水，毋管是田欲用的，抑是人欲食的，攏愛靠陳溝溪。連熱天時仔，風颳大水嘛愛靠陳溝溪來消水；所以講，陳溝溪毋但是附近這幾個庄頭上重要的水源，嘛是袂當欠缺的排水溝。

是按怎陳溝溪遐爾深，做排水溝算是正常，哪會當做水源？原來彰化縣農田水利會佇陳溝溪的中段——陳溝莊（萬豐村），有設一個抽水站，站的名號做「台灣溝抽水站」。這個抽水站佇一九四九年十一月二十二開工，隔轉年五月三十完成。自本有四台五十馬柴油引擎的抽水機，一九八七年三月才閣全部換新。佇抽水站猶袂運轉進前，這附近的田恰人攏是靠天生活；無雨水的時陣，田底pit痕無法度種作。古井斷滴，三頓用水真艱苦。著愛等到雨水期，田才有水通食，古井嘛才有水通予人用。斯當時的生活，絕對毋是這馬的少年人有法度體會的。一直到抽水站起好了後，在地人才毋免過彼種看天生活的日子。干焦(nā)予這個抽水站致蔭(im)的這成十个庄頭，面積就超過七百甲。這籬圍仔的農產品，包括米、番薯恰荷蘭豆攏是全國上主要的出產地。

佇台灣溝抽水站，除了有四台主要的抽水機以外，猶閣有一棟機房恰一棟宿舍。外口有一窟水池仔，開(tsáh)糞埤(sò)恰入水口，四籬輾轉有種真濟樹仔恰花，光景實在有夠嬌。會記得讀國校的時陣，學校逐年攏會安排一個年級來遮遠足。佇囡仔時代的記持中，陳溝溪是沙質的溪底。抽水站前有一個閘水壩，平常時仔壩底水沖(tshiàng)跂，上深的所在才二、三尺爾爾，是囡仔上愛落去耍的好所在。溪水清清清，魚、蝦、蚵仔有夠濟，閣看現現。雙引的草仔、樹仔，烏幼閣青翠。細漢的時陣，厝裡飼一隻水牛，阿爸定定會吩咐我放學了後牽牛去飼。陳溝溪就是我恰厝邊的囡仔飼牛上愛去的好所在，規陣囡仔共牛縛佇溪岸的大樹跂食草，人才走去溪底耍水。為著驚轉去予序大人拍罵，規大陣囡仔逐個人攏褪褲屨(lān)，拍滂(phōng)泗、掠魚仔、摸蚵仔、騎馬相戰，齣頭欲講是有夠濟。

我自出社會就離開故鄉，毋過逐年的過年恰清明擺會轉去故鄉行行咧，順繼(suà)去陳溝溪走揣囡仔時的記持，自來毋捌斷過。佇一九七〇年代，台灣由農業社會開始轉形工業社會，一四界的工業廢水拚入去排水溝；就親像陳溝莊嘛起一个工業區全款，真自然陳溝溪嘛閃袂過污染的命運。有差不多三十年的時間，布袋蓮滿滿是，遠遠就鼻會著臭味，岸邊草仔焦焦、薦(lian)薦，樹仔袂青翠。雖罔這幾年溪水清氣真濟，兩引岸整理甲真整齊，臭味無去，溪水嘛全款順順仔咧流，流入福鹿溪，流入大海洋。毋過已經真久無看著人佇溪底摸蚶仔、掠魚仔，閣較無地看囡仔咧拍滂沓；雖然是按呢，我一直相信毋管朝代按怎變化，陳溝溪水全款會一年流過一年，一代流過一代，永遠袂斷去；嘛向望有一工佇陳溝溪會閣看著囡仔時代的好景緻。

創作理念

逐个人的成長過程中，攏有一寡上愛數念的代誌，人講，飲水著思源頭，食果子拜樹頭，陳溝溪這條毋是真長，嘛無真闊，地圖揣無這個名的溝，有真濟我無法度袂記的點點滴滴，雖然台灣島行透透，看過比陳溝溪光景較嬌較好耍的所在有夠濟，就算講有一段期間，陳溝溪布袋蓮滿滿是，臭甲無人敢倚去；我猶是逐年擺會去行幾擺仔，佇我的心內，陳溝溪毋若是庇蔭阮這幾個庄頭的水神，嘛是一个值得我紹介予逐家去行一逝的好所在。

林義和

彰化市大成國小台語教師

